

Das Vierdte Buch

ander Ding damit/ das gerne brennet / lege es an die heisse Sonne/
es brennet.

Griechisch Feuer zu machen.

Nim Weiden Kohlen/ gebrandt Salt/ Brandtwein/ Schwefel/
Sech/ Weyrauch/ ein wenig Wolle/ vnd Camphora, vnd mache
von allen diesen Dingen eine Composition, vnd laß diese mix-
tur mit einander/ vnd brennet diese Materia, wenn man sie brauchet
vnter dem Wasser/ ist lustig zu sehen.

Ein anders.

Nim Alckityani, das ist Gloriet / vnd Schwefel / vnd Sol
auß Eyerdottern gemacht/ ana, vnd resche das wol sanfftiglich in ei-
ner eisernen Pfannen/ vber glüenden Kohlen/ laß keine Flamme dar-
bey/ wird gleich als ein confect, vnd nim das vierdte Theil Wachs/
mische es alles vntereinander/ vnd thue es in eine Rinderne Blasen/
die wol mit Del bestrichen sey / vermache es als denn mit Wachs/
Vnd wenn du es gebrauchen wilt/ so lege die materien an eine statt/
da es lufftig sey/ Wenn es denn von der Sonnenschein heiß wird/ so
brennet es/ vnd verwüßet alles/ was es antriffet.

Ein anders.

Item/ nim Taubenmist/ der wol gedörret ist vnd gerieben/ mit
gutem Pulver/ vnd Ziegelöl/ zu einem Teige gemengeset / vnd damit
etwas bestrichen/ vnd wenn die Sonne eine Weile darauff heiß schei-
net/ so brennet/ vnd zündet an/ was dabey ist.

Ein anders.

Nim anderthalb Pfund Büchsenpulver/ 5. Lot Colophonia,
4. Lot Baumöl/ 3. Lot Schwefel/ misch es wol durch einander/ vnd
laß es